

SCRIPT OF MORNING GOJRI NEWS BULLETIN 7JULY 1015 HRS

مارننگ گو جری نیوز بلیٹن مورخہ 7 جولائی 2025

یوہ آکا شوانی جموں بے باغ علی طاہر تیں خبر سُنو۔

BRICS PEHALGAM

برازیل غا رائینو ڈی جینیرو مانہ جاری برکس سربراہی کانفرنس غے دوران اک مشترکہ اعلانیہ مانہ گاشتہ 22 اپریل نانہ پہلگام مانہ ہوا دہشت گردانہ حملہ غی سخت مزمت کی گئی بے جسمانہ 26 عام شہری ہلاک ہو گیا تھا برکس اعلانیہ مانہ ہر قسم غی دہشت گردی غے خلاف موقف نانہ دہرایو گیو بے جس مانہ سرحد پار غی دہشت گردی دہشت گردی غی مالی امداد تے اس غا محفوظ ٹھکانا شامل این امن تے سلامتی غا عنوان ور مینی کانفرنس غا اک اجلاس مانہ بولتا واں وزیر اعظم نریندر مودی نے پہلگام دہشت گردانہ حملہ غا پس منظر مانہ بھارت سنگ یجہی طاہر کیا جان ور ممبر ملکاں گو شکریو ادا کیو اُن گو کہنو تھو جے یوہ حملو بھارت غی روض تے اُس گا وقار ور کیو گیو اک حملو تھو اُنہاں نے دہشت گردی غے خلاف صفر برداشت ور زور پاتاں واں دہشت گردی غی حمایت کرن آلاں گے خلاف پابندی لان غی ضرورت ور زور دتو۔

TOURISM SEC CONF

جموں کشمیر غا سیاحتی منظر نامہ غی اک اہم پیش رفت مانہ جموں کشمیر یو ٹی ایس کے آئی سی سی سرینگر مانہ اج تیں دو روزہ قومی سیاہتی سیکٹریٹ کانفرنس غی میزبانی کر رہی بے مرکزی وزارت سیاحت غی طرفوں منعقد کی جان آلی اس کانفرنس سنگ مرکزی وزیر سیاحت سمیت بکھ بکھ ریاستاں تے مرکز غے زیر انتظام علاقہ غا سیاحتی سربراہاں نانہ ایک پلیٹ فارم مانہ اکٹھاں ہو ن غو موقعو میسر آویگو اس کانفرنس غے دوران سیاحتی سیکٹر غا بکھ بکھ معاملات ور غور کیو جائگو جن مانہ سیاحت بارے حکمت عملی تیار کرنو سرمایہ کاری سیاحتی ٹانچہ نانہ فروغ دینو تے فلمی سیاحت شامل ہیں اس باوقار موقع غی دستیابی سنگ جموں کشمیر نانہ اپنی سیاحتی صلاحیت نانہ باندے لیان نالے یو ٹی نانہ ملک مانہ سال پہر پُر کشش رہن آلا سیاحتی مقام غا طور ور ظاہر کرن غو موقعو میسر آسکے غو۔

GOYAL HANDICRAFT

مرکزی وزیر برائے صنعت و تجارت پیوش گوپل نے ایس کے آئی سی سی سرینگر مانہ منعقد کی گئی بیوپاریاں غی ایف ٹی آئی کنکلیو سنگ خطاب کرتا واں ہتھ کھڈی سیکٹر غی امداد غو یقین دوايو اُنہاں نے دستکاریاں تے ہتھ کھڈی غی مصنوعات ور جی ایس ٹی کہٹ کرن غی سفارش کرن غو وعدو کیو اُنہاں نے اس گل غو اظہار مقامی وفود غی طرفوں کیا گیا مطالبہ تیں بعد کیو وزیر موصوف نے اس موقع ور انڈین انسٹیٹیوٹ آن پیکنگ غا تعاون سنگ پیکنگ تے ڈیزاین غی خاطر اک مرکز غ اقامت بارے منصوبہ غو وی اعلان کیو جموں کشمیر غ اجی آئی ٹیگڈ مصنوعات غی عالمی مانگ ور لوہ پاتا واں جناب گوپل نے بھارت غی اقتصادی ترقی واسطے وکل فار لوکل غانعرہ نانہ ترغیب واسطے اک کلیدی تعرو قرار دتو۔

SATISH TRADERS CONCLAVE

سرینگر مانہ منعقدہ بیوپاریاں غا ایف ٹی آئی آئی اجلاس سال 2025 مانہ بولتا واں یوٹی غا وزیر ستیش شرما نے ڈیجیٹل اختیار دیہی تے نوجوانان غی قیادت مانہ تجارت نانہ جموں کشمیر مانہ فروغ دین غی ضرورت ور زور دتو اس موقعور بولتا واں اُنہاں نے آئی ٹی صارفین غی بہبود تے ہنر غ افروغ نانہ مربوط بنان غی ضرورت ظاہر کی تانجے خودکفیل معشیت قائم کی جاسکے جناب شرما نے سرحدی علاقان مانہ تجارتی مل تے ڈیجیٹل ہنر پلیٹ فارم قائم کرن غی ضرورت ور زور پایو۔

DY CM BUS

یوٹی غا دور دراز علاقان مانہ بہتر سفری سہولیت میسر کران غی حکمت عملی غے تحت نائب وزیر اعلیٰ سریندر چودھری نے دور دراز گراں کلاسرا غیا یک دیرینہ مانہ پوری کرتا واں جموں تیں سندر بنی غے رستے دادل کلاسرا ٹوڑی اک بس نانہ ہری جھنڈی دس گے روانہ کیو ہے اس موقع ور بولتا واں نائب وزیر اعلیٰ نے کہیو جے سرکار لوکاں غی آسان اُمیدان نانہ پورا کرن تے سڑک رابطا بہتر بنان غی پابند ہے اُنہاں نے اک جامع عوامی ٹرانسپورٹ نظام قائم کرن غی ضرورت ور زور دتو نائب وزیر اعلیٰ نے خاص کر غے سرحدی تے دور دراز علاقان توڑی محفوظ قابل رسائی تے موثر ٹرانسپورٹ نظام غی ضرورت ور زور دتو۔

AMARNATH YATRA

امرنا تھ یاتریاں غو اس غو چھیوون قافلور اج سویرے بھگوتی نگر بنیادی کیمپ تیں امرنا تھ گفہ غا درشناں واسطے وادی کشمیر در روانہ ہو گیو 8 ہزار 6 سو 5 یاتریاں ور مشتمل اس قافلہ نانہ 372 گڈیاں ور سوار کر غے سخت حفاظتی انتظامات مانہ وادی در روانہ کہیو گیو ہے یاتریاں غا اس قافلہ مانہ 6486 مرد 1826 خواتین 42 بچہ 216 سادھوتے 35 سادھوی شامل ہیں امرنا تھ یاتریاں غا اس قافلہ مانہ شامل 3486 یاتریاں نانہ بالتال بنیادی کیمپ جدکہ 5119 یاتریاں نانہ پہلگام بنیادی کیمپ در روانہ کیو گیو ہے جتوں وے امرنا تھ گفہ در اپنو اگلو سفر طے کریں گا۔

CRICKET

بھارت نت دوجا ٹسٹ مقابلہ مانہ انگلینڈ کرکٹ ٹیم نانہ 336 دوڑاں سنگ ہر غے 5 مقابلان گا اس سلسلہ نانہ بروبر کردتو ہے بھارت نے اگیسٹن برمنگم مانہ انگلینڈ نانہ پہلی وری شکست دتی ہے 608 دوڑاں غا حدف غو پچھیو کرتا واں انگلینڈ غی ٹیم چھڑی 271 دوڑاں ور ہی آؤٹ ہوگئی تے اس راہ میج غا اخیر لے تہاڑے بھارت نے یوہ مقابلو جت لیو۔
